

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-672/16
Sarajevo, 14. 4. 2016. godine

Z A P I S N I K

**11. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 31. marta i 14. aprila 2016. godine**

Sjednica je počela u 14:40.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, goste, kao i ministre u Vladi, a posebno predsjednika Federacije Bosne i Hercegovine, Marinka Čvaru, potpredsjednika Federacije Bosne i Hercegovine, Milana Dunovića i potpredsjednicu Vlade Federacije, gospođu Jelku Miličević.

Na osnovu evidencije Stručne službe, predsjedavajuća je konstatovala da sjednici prisustvuje 48 delegata, što čini većinu, te Dom naroda može raditi i punovažno odlučivati.

Izostanak sa sjednice najavili su delegati Admir Hadžipašić i Amor Mašović.

Predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvala je delegate da, ukoliko žele, postavljaju delegatska pitanja i pokrenu inicijative.

Delegatska pitanja i inicijative

Predrag Kojović uputio je inicijativu Domu naroda Parlamenta Federacije Bosne i Hercegovine da usvoji Prijedlog rezolucije koja se tiče održavanja izbora u Gradu Mostaru, 2. 10. 2016. godine. Rezolucijom se apeluje na Državni parlament da učini sve kako bi izbori u Mostaru bili održani u isto vrijeme kad i u svim lokalnim zajednicama u Bosni i Hercegovini i Federaciji.

Mirvet Beganović uputio je pitanje Vladi Federacije Bosne i Hercegovine, odnosno nadležnim ministarstvima - Kada će Vlada Federacije Bosne i Hercegovine riješiti pitanje penzionisanja 174 radnika Agrokomerca? 39 radnika ispunjavaju uslove za redovnu penziju, a ostali ispunjavaju uslove za penziju po drugim osnovama, starosna, invalidska i puna penzija, rekao je Beganović.

Drugo pitanje uputio je Ministarstvu raseljenih osoba i izbjeglica Federacije Bosne i Hercegovine, a ono glasi: Da li nadležno ministarstvo raseljenih

osoba i izbjeglica Federacije Bosne i Hercegovine ima evidenciju koliko je građana Velike Kladuše i Cazina, odnosno Unsko-Sanskog kantona, izbjeglo i steklo status izbjeglice u Republici Hrvatskoj u periodu 93. - 95. godine? Upitao je i: Da li imate evidenciju koliko ih se vratilo u Bosnu i Hercegovinu, a koliko ih je emigriralo u druge zemlje?

Tomislav Mandić uputio je pitanje Federalnom ministarstvu prometa i komunikacija, odnosno, upravi Javnog preduzeća Autoceste Federacije Bosne i Hercegovine. Radi se o ponudama za dvije dionice Autoceste na jugu Hercegovine, Lot 1 Čvor - Počitelj - Most - Počitelj, te Lot 2 Čvor - Počitelj do Zirovića, i dionica Autoceste obilaznica Zenica na dionici od Kovče do Donje Gračanice, koje su predane su 27. oktobra 2015. godine. Mandić je naglasio da je 23. 3. 2016 godine, izvan radnog vremena, Uprava poslala upit za dopunu ponude. Krajnji rok za dopunu je bio 29. 3. 2016. godine, s tim da je u okviru propisanog roka bio katolički praznik Uskrs, te da je za dostavljanje ponude ostao jedan dan, a nedostavljanje ponude rezultiralo bi diskvalifikacijom, zaključuje. Delegat traži da se Domu naroda Parlamenta Federacije BiH podnese detaljan izvještaj o radu JP Autoceste Federacije BiH, iz kojeg, kako je rekao, očigledno ne provode politiku jednakopravnosti i nediskriminacije prilikom objavljivanja ovlasti koje su im povjerene.

Josip Mioč uputio je pitanje direktoru Porezne uprave. Traži da mu dostavi listu izvršenih aktivnosti nadzora Porezne uprave Federacije BiH po opštinama i poslovnim objektima u 2015. godini.

Segmedina Srna Bajramović postavila je dva delegatska pitanja.

Prvo pitanje je postavila ministarstvima Federacije od kojih traži da joj dostave informacije o aktivnostima i vremenskom okviru zatvaranja kolektivnih centara, u skladu sa osiguranim namjenskim finansijskim aranžmanima za ovu oblast, te eventualnim administrativnim opstrukcijama u realizaciji projekata.

Drugo pitanje uputila je Vladi Federacije BiH: Kada se planira realizacija dijela programa modernizacije magistralnih cesta u dijelu intervencije na poboljšanju cestovne sigurnosti rekonstrukcija raskrsnica koja su klasificirana kao crne tačke na magistralnim cestama? (radi se o devet lokacija). Također, upitala je i: Da li će rekonstrukcija biti realizirana na bazi planiranih kreditnih sredstava ili postoji mogućnost da bude finansirana iz domaćih sredstava?

Dario Pušić uputio je pitanje premijeru Federacije i resornom ministarstvu. Traži da mu se u pisanoj formi dostavi odgovor na pitanje: Iz kojeg razloga se ne vrši isplata sredstava dodijeljenih koncem 2015. godine u javnom pozivu za odбір programa i projekata od značaja za Federaciju BiH iz oblasti kulture i sporta, a za koje su ugovori potpisani u prvoj polovini januara 2016. godine?

Aner Žuljević je uputio dva delegatska pitanja. Prvo pitanje postavio je upravi Autocesta Federacije BiH, a ono glasi: Kada će biti izabrani izvođači po provedenim tenderima za nove dionice autoceste?

Drugo pitanje uputio je Vladi Federacije BiH: Na osnovu kojih kriterija su angažovana sredstva tekuće rezerve za finansiranje projekata iz oblasti kulture, a da prethodno postojeći projekti nisu ispunjavali uslove iz javnog poziva resornog ministarstva?

Rasim Kantarević izrazio je nezadovoljstvo dobivenim odgovorom na pitanje koje je uputio Federalnom ministarstvu za pitanje boraca i invalida odbrambeno oslobodilačkog rata, na sjednici Doma naroda Parlamenta Federacije BiH 17. decembra 2015. godine, te je zatražio dopunu odgovora od ovog ministarstva.

Delegati su započeli raspravu o Prijedlogu rezolucije o izborima u Gradu Mostaru, a u raspravi su učestvovali: Jasenko Tufekčić, Lidija Bradara, Tomislav Martinović i Slaviša Šućur.

Predsjedavajuća je izjavila da će se Kolegij Doma naroda izjasniti o Prijedlogu rezolucije i da će se Dom naroda izjasniti o Rezoluciji.

Zaključak koji se odnosi na izmjene Poslovnika Doma naroda Parlamenta Federacije BiH, delegata Slaviše Šućura stavljen je na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 22 glasa za, uz 17 uzdržanih i 10 protiv, nije usvojio predloženi Zaključak delegata Slaviše Šućura, koji se tiče izmjene Poslovnika o radu Doma naroda u smislu formiranja radne grupe koja bi se bavila presudama Ustavnog suda Federacije i Ustavnog suda BiH.

Kolegij Doma naroda Parlamenta Federacije BiH je predložio da se u dnevni red uvrsti tačka izbor i imenovanja.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 39 glasova za, uz tri uzdržana i pet protiv, prihvata da u dnevni red 11. sjednice Doma naroda Parlamenta Federacije BiH bude uvrštena tačka izbor i imenovanja.

Kolegij Doma naroda Parlamenta Federacije BiH predložio je da se s dnevnog reda 11. sjednice Doma naroda Parlamenta Federacije BiH, skinu sljedeće tačke: Prijedlog zakona o izmjenama i dopunama Zakona o mjeriteljstvu u Federaciji BiH, Prijedlog Zakona o nedopuštenom oglašavanju, Prijedlog zakona o dopuni Zakona o doprinosima - skraćeni postupak.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 42 glasa za, uz pet uzdržanih i dva protiv, prihvata da se sa dnevnog reda 11. sjednice Doma naroda

Parlamenta Federacije BiH skinu tačke: Prijedlog zakona o izmjenama i dopunama Zakona o mjeriteljstvu u Federaciji BiH, Prijedlog Zakona o nedopuštenom oglašavanju, Prijedlog zakona o dopuni Zakona o doprinosima - skraćeni postupak.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 39 glasova za, uz pet uzdržanih i dva protiv, prihvata da se se u dnevni red 11. sjednice Doma naroda Parlamenta Federacije BiH, kao 3. tačka dnevnog reda, uvrsti Prijedlog Zakona o izmjenama i dopunama zakona o dugu, zaduživanju i garancijama u Federaciji Bosne i Hercegovine.

Vlada Federacije Bosne i Hercegovine dostavila je Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti s prijedlogom da se razmatra po hitnom postupku. Predsjedavajuća je stavila na glasanje da se ovaj prijedlog zakona razmatra po hitnom postupku.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije prihvatio da se Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti razmatra po hitnom postupku, s obzirom da su za glasala četiri delegata, 14 je bilo uzdržano i 28 protiv. Prema tome, ovaj zakon će biti razmatran u formi Nacrta.

Vlada Federacije Bosne i Hercegovine dostavila je Prijedlog zakona o izmjenama i dopunama Zakona o dugu, zaduživanju i garancijama u Federaciji.

Ministrica finansija, Jelka Miličević, kao predlagač Prijedloga zakona o izmjenama i dopunama Zakona o dugu, zaduživanju i garancijama u Federaciji, obrazložila je zašto bi trebao biti razmatran u skraćenom postupku.

Predsjedavajuća Doma naroda Parlamenta Federacije Bosne i Hercegovine je stavila na glasanje da se ovaj prijedlog zakona razmatra po skraćenom postupku.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 33 glasa za, uz tri uzdržana i pet protiv, prihvata da se Prijedloga zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine razmatra po skraćenom postupku.

Predsjedavajuća Doma naroda Parlamenta Federacije BiH stavila je na glasanje sljedeći:

DNEVNI RED

1. Prijedlog zakona o radu,
2. Prijedlog zakona o izmjenama i dopunama Krivičnog zakona Federacije Bosne i Hercegovine,
3. Prijedlog zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovina - skraćeni postupak,
4. Prijedlog zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom,
5. Nacrt zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti,
6. Nacrt zakona o penzijskom i invalidskom osiguranju,
7. Izvještaj o odobravanju izdvajanja sredstava iz „Tekuće rezerve“ Budžeta Federacije Bosne i Hercegovine za 2015. godinu za period 1. 1. - 31. 12. 2015. godine sa: Tabelarnim pregledom odluka o izdvajanju sredstava iz „Tekuće rezerve Vlade Federacije“ Budžeta Federacije Bosne i Hercegovine za 2015. godinu za period 1. 1. - 31. 12. 2015. godine, Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera“ Budžeta Federacije Bosne i Hercegovine za 2015. godinu za period 1. 1. - 31. 12. 2015. godine, Tabelarnim pregledom odluka o izdvajanju sredstava iz „Tekuće rezerve Vlade Federacije“ Budžeta Federacije Bosne i Hercegovine za 2015. godinu za period 1. 1. - 31. 12. 2015. godine po budžetskim korisnicima,
8. Prijedlog odluke o prihvaćanju Analitičkog izvještaja o poslovanju Fonda za zaštitu okoliša Federacije Bosne i Hercegovine za 2014. godinu,
- Analitički izvještaj o poslovanju Fonda za zaštitu okoliša Federacije Bosne i Hercegovine za 2014. godinu,
9. Godišnji finansijski izvještaji Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine za period 1. 1. 2015. - 31. 12. 2015. godine,
10. Izbor i imenovanja:

Rješenje o prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (Nikola Pejić),

Rješenje o prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (Suad Zeljković).

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 35 glasova za, jednim uzdržanim i 13 protiv, **usvojio** predloženi dnevni red.

1. Prijedlog zakona o radu

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela čiji su izvještaji dostavljeni.

Predstavnički dom Parlamenta Federacije Bosne i Hercegovine obavijestio je Dom naroda Parlamenta da je na 7. sjednici, 31. 7. 2016. godine, usvojio Prijedlog zakona o radu u tekstu kako ga je predložila Vlada Federacije.

Na Prijedlog zakona 24 amandmana podnio je delegat Aner Žuljević.

Amandmani su dostavljeni Vladi na izjašnjanje.

Vlada Federacije Bosne i Hercegovine je dostavila izjašnjenje kojim ne prihvata Amandmane.

Predstavnik Vlade, Vesko Drljača, federalni ministar rada i socijalne politike, obrazložio je Prijedlog zakona.

U raspravi su učestvovali: Predrag Kojović, Aner Žuljević, Slaviša Šućur i Jasenko Tufekčić.

Budući da Aner Žuljević nije odustao od amandmana, predsjedavajuća ih je stavila na glasanje i konstatovala da:

- Dom naroda Parlamenta Federacije Bosne i Hercegovine nije usvojio Amandman I, jer je za glasalo 17 delegata, 15 delegata je bilo uzdržano, a 18 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman II, jer je za glasalo 15 delegata, 17 delegata je bilo uzdržano, a 17 delegata je bilo protiv;

- Dom naroda Parlamenta Federacije Bosne i Hercegovine nije usvojio Amandman III, jer je za glasalo 17 delegata, 14 delegata je bilo uzdržano, a 18 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman IV, jer je za glasalo 14 delegata, 22 delegata su bili uzdržani, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman V, jer je za glasalo 15 delegata, 19 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman VI, jer je za glasalo 15 delegata, 21 delegat je bio uzdržan, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman VII, jer je za glasalo 15 delegata, 18 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman VIII, jer je za glasalo 14 delegata, 18 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman IX, jer je za glasalo 15 delegata, 17 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman X, jer je za glasalo 15 delegata, 16 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XI, jer je za glasalo 15 delegata, 16 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XII, jer je za glasalo 17 delegata, 15 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XIII, jer je za glasalo 17 delegata, 17 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XIV, jer je za glasalo 17 delegata, 14 delegata je bilo uzdržano, a 14 delegata je bilo protiv;

- Dom naroda Parlamenta Federacije Bosne i Hercegovine nije usvojio Amandman XV, jer je za glasalo 17 delegata, 18 delegata je bilo uzdržano, a 13 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XVI, jer je za glasalo 17 delegata, 16 delegata je bilo uzdržano, a 12 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XVII, jer je za glasalo 17 delegata, 17 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XVIII, jer je za glasalo 16 delegata, 19 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XIX, jer je za glasalo 16 delegata, 18 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XX, jer je za glasalo 16 delegata, 18 delegata je bilo uzdržano, a 14 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XXI, jer je za glasalo 17 delegata, 19 delegata je bilo uzdržano, a 13 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XXII, jer je za glasalo 17 delegata, 16 delegata je bilo uzdržano, a 13 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XXIII, jer je za glasalo 18 delegata, 17 delegata je bilo uzdržano, a 11 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman XXIV, jer je za glasalo 17 delegata, 13 delegata je bilo uzdržano, a 14 delegata je bilo protiv.

Nakon izjašnjavanja o amandmanima delegata Anera Žuljevića, Dom naroda glasao je o Prijedlogu zakona o radu.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 36 glasova za, jednim uzdržanim i 13 glasova protiv, **usvojio** Prijedlog zakona o radu.

2. Prijedlog zakona o izmjenama i dopunama Krivičnog zakona Federacije Bosne i Hercegovine

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela čiji su izvještaji dostavljeni.

Predstavnički dom Parlamenta Federacije Bosne i Hercegovine obavijestio je Dom naroda da je na 8. sjednici, održanoj 28. 2. 2016., usvojio Prijedlog zakona o izmjenama i dopunama Krivičnog zakona Federacije Bosne i Hercegovine uz tehničku ispravku koju je dao ministar, a koja se odnosi na član 11. stav 4. novog člana 210a u kome se riječi: "stav 1. i 3." zamjenjuju tekstem: "stav 1. i 2."

Predstavnik Vlade, Hidajet Halilović, pomoćnik federalnog ministra pravde, obrazložio je Prijedlog zakona i izjavio da prihvata primjedbe Komisije za jezička pitanja Doma naroda koje glase:

"U tekstu Prijedloga zakona na bosanskom jeziku: U članu 12. (272. stav 2.) riječ "izvršilac" koriguje se u riječ "učinitelj".

U tekstu Prijedloga zakona na hrvatskom jeziku: U članu 12. (272. stav 2.) riječ "izvršitelj" koriguje se u riječ "počinitelj", a riječ "suučesnik" koriguje se u "sudionik".

U tekstu Prijedloga zakona na srpskom jeziku:

- riječ "narodosna" koriguje se u riječ "nacionalna",
- u članu 12. (272. stav 2.) riječ "izvršilac" koriguje se u riječ "počinioc",
- u članu 17. (380.) riječi: "ovlašćenja" koriguju se u "ovlaštenja", "morala učiniti" u "moralo izvršiti", "smjela učiniti" u "smjelo izvršiti" i "službenu osobu" korekcija u "službeno lice".

Na Prijedlog zakona 16 amandmana je podnio delegat Aner Žuljević.

Amandmani su dostavljeni Vladi na izjašnjanje.

Vlada Federacije BiH dostavila je izjašnjenje kojim ne prihvata Amandmane.

U raspravi su učestvovali: Tomislav Martinović, Aner Žuljević, i Osman Čatić. Aner Žuljević je izjavio da odustaje od amandmana, ali je predložio

da se ovi amandmani smatraju inicijativom za buduće izmjene i dopune Krivičnog zakona Federacije Bosne i Hercegovine.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, pet uzdržanih i jednim glasom protiv, **usvojio** Prijedlog zakona o izmjenama i dopunama Krivičnog zakona Federacije BiH.

Predsjedavajuća Doma naroda na glasanje je stavila Prijedlog zaključka predsjednika Kluba delegata bošnjačkog naroda, Osmana Čatića, a koji glasi:

ZAKLJUČAK

Obavezuje se Vlada Federacije Bosne i Hercegovine da u što kraćem roku pripremi i u parlamentarnu proceduru uputi Nacrt krivičnog zakona Federacije Bosne i Hercegovine, te da prilikom izrade tog nacrta uzme u obzir i amandmane koji su podneseni na sjednici Doma naroda na Prijedlog zakona o izmjenama i dopunama Krivičnog zakona Federacije Bosne i Hercegovine.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, uz dva glasa protiv, prihvatio Zaključak koji je predložio Osman Čatić.

3. Prijedlog zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovina - skraćeni postupak

Prijedlog Zakona utvrdila je Vlada Federacije.

Prijedlog Zakona su razmatrala nadležna radna tijela čiji su izvještaji dostavljeni.

Predstavnički dom Parlamenta Federacije Bosne i Hercegovine obavijestio je Dom naroda Parlamenta da je na 9. sjednici, od 23. 3. 2016. godine, usvojio Prijedlog zakona o izmjenama i dopunama Zakona o dugu, zaduživanju i garancijama u Federaciji BiH u tekstu kako ga je predložila Vlada Federacije BiH.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 37 glasova za, uz četiri uzdržana

glasa, **usvojio** Prijedlog zakona o izmjenama i dopunama Zakona o dugu, zaduživanju i garancijama u Federaciji BiH.

Sjednica je prekinuta u 17:35.

NASTAVAK SJEDNICE OD 14. APRILA 2016. GODINE

Sjednica je počela u 13:30.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Predsjedavajuća je pozdravila prisutne delegate, premijera Federacije Bosne i Hercegovine, Fadila Novalića, zamjenicu premijera i federalnu ministricu finansija, Jelku Milićević, federalnog ministra rada i socijalne politike, Veska Drljaču, prisutne ministre, predstavnike nevladinih organizacija, međunarodne zajednice, akreditiranih medija i goste.

Izostanak sa sjednice su opravdali: Slađan Ilić, Rasim Dostović, Draženka Subašić, Daliborka Milović i Slaviša Šućur.

Predsjedavajuća je konstatovala da sjednici prisustvuje 40 delegata, što čini većinu te Dom može raditi i punovažno odlučivati.

Predsjedavajuća je obavijestila delegate o preostalim tačkama dnevnog reda i prešla na rad.

4. Prijedlog zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom

Prijedlog zakona utvrdila je Vlada FBiH.

Prijedlog su razmatrala nadležna radna tijela i dostavila svoje izvještaje.

Prijedlog zakona je obrazložio Vesko Drljača, federalni ministar rada i socijalne politike.

U raspravi su učestvovali: Aner Žuljević, Vesko Drljača i Mustafa Kurtović.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 35 glasova za, četiri protiv i pet uzdržanih glasova, usvojio Prijedlog zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom.

5. Nacrt zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti

Zakon je utvrdila Vlada FBiH.

Predstavnički dom Parlamenta Federacije BiH, na 9. sjednici održanoj 23. februara 2016. godine, usvojio je Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti, sa jednim amandmanom, koji Vlada Federacije nije prihvatila.

Amandman glasi:

Obavezno uskladiti osiguranje vozila sa registracijom vozila koja se obavlja u MUP-u i to na sljedeći način:

Uvesti mogućnost obaveznog osiguranja od autoodgovornosti i to na način da dužina tog osiguranja ne bude 12 (dvanaest) mjeseci, nego na kraći period (3, 6, 9 mjeseci), a u tu kategoriju bi ulazili sljedeći tipovi vozila:

- motocikli
- kampine ugrađene na vozilo(kamp kućice)
- specijalne građevinske mašine-vozila

Zakon su razmatrala nadležna radna tijela i dostavila svoje izvještaje.

Zakon je obrazložila Jelka Milićević, federalna ministrica finansija.

U raspravi su učestvovali: Admir Hadžipašić i predsjednik Kluba delegata hrvatskog naroda, Tomislav Martinović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 42 glasa za, jednim glasom protiv i jednim uzdržanim glasom, usvojio sljedeći

ZAKLJUČAK

1. Dom naroda prihvaća Nacrt zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti i smatra da može poslužiti kao osnova za izradu prijedloga zakona.

2. Zadužuje se Vlada Federacije Bosne i Hercegovine da, prilikom izrade prijedloga zakona, ima u vidu sugestije, primjedbe i prijedloge iznesene na sjednici Doma naroda.

6. Nacrt zakona o penzijskom i invalidskom osiguranju

Nacrt zakona utvrdila je Vlada FBiH.

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložio je federalni ministar rada i socijalne politike, Vesko Drljača.

U raspravi su učestvovali: Predrag Kojović, Željko Josić, Aner Žuljević, Mirvet Beganović, Tomislav Martinović, Osman Ćatić, Lidija Bradara i Vesko Drljača.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 39 glasova za i jednim glasom protiv, usvojio sljedeći

ZAKLJUČAK

1. Dom naroda prihvaća Nacrt zakona o penzijskom i invalidskom osiguranju i smatra da može poslužiti kao osnova za izradu prijedloga zakona.
2. Zadužuje se Vlada Federacije Bosne i Hercegovine da organizira i provede javnu raspravu u trajanju od 90 dana, te da Nacrt ovog zakona uputi kantonalnim skupštinama radi davanja mišljenja u skladu sa procedurom propisanom u Ustavu Federacije iz zajedničkih nadležnosti federalne vlasti i kantona.
3. Zadužuje se Vlada Federacije Bosne i Hercegovine da, prilikom izrade prijedloga zakona ima u vidu sugestije, primjedbe i prijedloge iznesene na sjednici Doma naroda i u javnoj raspravi.

7. **Izvještaj o odobravanju izdvajanja sredstava iz „Tekuće rezerve“ Budžeta Federacije BiH za 2015. godinu za period 1. 1. - 31. 12. 2015. godine sa:**
- **Tabelarnim pregledom odluka o izdvajanju sredstava iz „Tekuće rezerve Vlade Federacije“ Budžeta Federacije BiH za 2015. godinu za period 1. 1. - 31. 12. 2015. godine,**
 - **Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera“ Budžeta Federacije BiH za 2015. godinu za period 1. 1. - 31. 12. 2015. godine,**
 - **Tabelarnim pregledom odluka o izdvajanju sredstava iz „Tekuće rezerve Vlade Federacije“ Budžeta Federacije Bosne i Hercegovine za 2015. godinu za period 1. 1. - 31. 12. 2015. godine po budžetskim korisnicima**

Izvještaj je dostavila Vlada Federacije radi razmatranja i prihvaćanja.

Izvještaj su razmatrala nadležna radna tijela i dostavila svoje izvještaje.

Nacrt zakona je obrazložio federalni ministar rada i socijalne politike Vesko Drljača.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 28 glasova za, tri glasa protiv i tri uzdržana glasa, prihvatio Izvještaj sa tabelarnim pregledima.

8. **Prijedlog odluke o prihvatanju Analitičkog izvještaja o poslovanju Fonda za zaštitu okoliša Federacije Bosne i Hercegovine za 2014. godinu,**
- **Analitički izvještaj o poslovanju Fonda za zaštitu okoliša Federacije Bosne i Hercegovine za 2014. godinu**

Vlada Federacije dostavila je Prijedlog odluke o prihvatanju Analitičkog izvještaja o poslovanju Fonda za zaštitu okoliša Federacije BiH za 2014. godinu radi razmatranja i donošenja.

Također, Vlada Federacije dostavila je Parlamentu Federacije i Analitički izvještaj o poslovanju Fonda za zaštitu okoliša u FBiH za 2014. godinu.

Prijedlog odluke i Analitički izvještaj razmatrala su nadležna radna tijela i dostavila svoje izvještaje.

Prijedlog odluke i Analitički izvještaj obrazložila je Aida Ćurevac, predstavnik Nadzornog odbora Fonda za zaštitu okoliša.

U raspravi su učestvovali: Željko Mirković, Mustafa Kurtović, Željko Josić, Tomislav Martinović, Admir Hadžipašić i Aida Ćurevac.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije donio** Odluku o prihvatanju Analitičkog izvještaja o poslovanju Fonda za zaštitu okoliša Federacije Bosne i Hercegovine za 2014. godinu, jer je za glasalo osam delegata, devet delegata je bilo uzdržano, a 21 delegat je bio protiv.

9. Godišnji finansijski izvještaji Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine za period 1. 1. 2015. - 31. 12. 2015. godine

Federalni fond za pomoć nastradalim područjima od prirodne nesreće na teritoriji Federacije BiH za period 1. 1. 2015. - 31.12. 2015. godine, dostavio je godišnje finansijske izvještaje Parlamentu Federacije na prihvatanje. Naknadno je dostavljena dopuna izvještaja, odnosno tekstualni dio izvještaja.

Godišnje finansijske izvještaje Federalnog fonda razmatrala su nadležna radna tijela i dostavila svoje izvještaje.

Izvještaje je obrazložio Jasmin Jaganjac, direktor Fonda.

U raspravi su učestvovali: Aner Žuljević, Željko Josić, Đuro Delić, Željko Mirković, Admir Hadžipašić i Jasmin Jaganjac.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije prihvatio** godišnje finansijske izvještaje Federalnog fonda za pomoć nastradalim područjima od prirodne nesreće na teritoriju Federacije Bosne i Hercegovine za period 1. 1. 2015. - 31. 12. 2015. godine, jer je za glasalo 22 delegata, pet delegata je bilo protiv, a 13 delegata je bilo uzdržano.

10. Izbor i imenovanja:

- Rješenje o prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (**Nikola Pejić**)
- Rješenje o prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (**Suad Zeljković**)

Rješenje o prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (Nikola Pejić)

Vlada Federacije je Parlamentu Federacije dostavila Rješenje o Prijedlogu za imenovanje jednog člana Državne regulatorne komisije za električnu energiju iz Federacije BiH, kojim je za imenovanje jednog člana Državne regulatorne komisije za električnu energiju iz Federacije BiH predložila **Nikolu Pejića** na mandatni period od pet godina.

Predstavnički dom je na 7. sjednici, od 3. 2. 2016. godine, donio Odluku o utvrđivanju Prijedloga za imenovanje jednog člana Državne regulatorne komisije za električnu energiju iz Federacije BiH kojim se predlaže Nikola Pejić za člana Državne regulatorne komisije za električnu energiju.

Komisija za izbor i imenovanja razmatrala je ovaj prijedlog i utvrdila Prijedlog odluke o utvrđivanju Prijedloga za imenovanje jednog člana Državne regulatorne komisije za električnu energiju iz Federacije BiH kojim se **Nikola Pejić** predlaže za člana Državne regulatorne komisije za električnu energiju iz Federacije BiH.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, dva glasa protiv i četiri uzdržana glasa, donio Odluku o utvrđivanju Prijedloga za imenovanje jednog člana Državne regulatorne komisije za električnu energiju iz Federacije Bosne i Hercegovine kojim je **Nikola Pejić** predložen za člana Državne regulatorne komisije za električnu energiju iz Federacije Bosne i Hercegovine.

Ovaj prijedlog će se dostaviti Vijeću ministara Bosne i Hercegovine koje će ovaj prijedlog dostaviti Parlamentarnoj skupštini Bosne i Hercegovine radi imenovanja.

Rješenje o Prijedlogu za imenovanje jednog člana Državne regulatorne komisije za električnu energiju iz Federacije Bosne i Hercegovine (Suad Zeljković)

Vlada Federacije je Parlamentu Federacije dostavila Rješenje o Prijedlogu za imenovanje jednog člana Državne regulatorne komisije za električnu energiju iz Federacije BiH kojim je za imenovanje jednog člana Državne regulatorne komisije za električnu energiju iz Federacije Bosne i Hercegovine predložila **Suada Zeljkovića** na mandatni period od pet godina.

Predstavnički dom je na 7. sjednici, od 3. 2. 2016. godine, donio Odluku o utvrđivanju Prijedloga za imenovanje jednog člana Državne regulatorne komisije za električnu energiju iz Federacije BiH kojim se predlaže **Suad Zeljković** za člana Državne regulatorne komisije za električnu energiju.

Komisija za izbor i imenovanja razmatrala je ovaj prijedlog i utvrdila Prijedlog odluke o utvrđivanju Prijedloga za imenovanje jednog člana Državne regulatorne komisije za električnu energiju iz Federacije BiH kojim se **Suad Zeljković** predlaže za člana Državne regulatorne komisije za električnu energiju iz Federacije BiH.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, dva glasa protiv i pet uzdržanih glasova, donio Odluku o utvrđivanju Prijedloga za imenovanje jednog člana Državne regulatorne komisije za električnu energiju iz Federacije BiH kojim je **Suad Zeljković** predložen za člana Državne regulatorne komisije za električnu energiju iz Federacije BiH.

Ovaj prijedlog će se dostaviti Vijeću ministara Bosne i Hercegovine koje će ovaj prijedlog dostaviti Parlamentarnoj skupštini Bosne i Hercegovine radi imenovanja.

Sjednica je završena u 16 sati.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAJUĆA

Lidija Bradara